

Broj: 04-49-4676/11  
Sarajevo, 31.01.2012. godine

**Bosna i Hercegovina**  
**Parlamentarna skupština Bosne i Hercegovine**  
**ZASTUPNIČKI DOM/ PREDSTAVNIČKI DOM**  
**N/r predjedavajućeg Zastupničkog doma**  
**g-din dr. Denis Bećirović**

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 15.2.2012.

Organizaciona jedinica	Klasifikaciona oznaka	Redni broj	Broj priloga
01	50-1	15-15	11

**PREDMET: Zastupničko pitanje, kršenje ljudskih prava  
srpskih osuđenika u KPZ PT Zenica, odgovor**  
– dostavlja se –

**V e z a: Vaš akt broj 01/a-50-1-15-15/11 od 13.12.2011. godine**

Na 15. sjednici Zastupničkog doma Parlamentarne skupštine Bosne i Hercegovine, održanoj 08.12.2011. godine, zastupnica Dušanka Majkić Ministarstvu pravde BiH i Federalnom ministarstvu pravde postavila je pitanja slijedeće sadržine:

1. „*Da li su ispitani slučajevi kršenja ljudskih prava putem premlaćivanja i maltretiranja srpskih osuđenika u KPZ Zenica? Kakvi su ti nalazi?*“
2. *Šta je preduzeto i šta se namjerava preduzeti da se ovakvi slučajevi ne bi ponavljali?*
3. *Kakve su mogućnosti za prebacivanje srpskih osuđenika u zatvore na prostoru Republike srpske?*“

U okviru zakonom propisanih nadležnosti Federalno ministarstvo daje slijedeće

### ODGOVORE

1. Radi ispitivanja slučaja kršenja ljudskih prava izvršen je inspekcijski pregled KPZ Zenica na dan 12. i 13. decembar 2012. godine. Utvrđeno je da su dva osuđenika srpske nacionalnosti fizički napadnuta. U pitanju su incidentne situacije, a ne može se govoriti o stalnom maltretiranju i premlaćivanju. U dokumentaciji koja se odnosi na ove slučajeve ima dokaza da je jedan od napada posljedica neadekvatnog ponašanja žrtve napada. Izvjesno je da manji broj srpskih osuđenika trpi verbalne uvrede koje su motivirane posljedicama ratnih dešavanja i s tim u vezi netrpeljivošću na nacionalnoj osnovi. Prema prikupljenim pisanim izjavama, najveći broj osuđenika srpske nacionalnosti nema problema u zatvorskoj sredini, niti izražava interes za premještanje u zatvor na prostoru Republike Srpske. Niko od osuđenika srpske nacionalnosti nema primjedbi na rad službenog osoblja KPZ Zenica. U KPZ Zenica se, u skladu sa pozitivnim propisima i u okviru postojećih mogućnosti, svim osuđenima garantiraju osnovna ljudska i vjerska prava. S tim u vezi službene osobe KPZ Zenica nastojale su i nastoje prevenirati buduće incidentne situacije.

2. Izvršitelji napada disciplinski su kažnjeni. KPZ Zenica procijenit će mogućnost premještanja pojedinih srpskih osuđenika u paviljon sa većim stepenom sigurnosti, te nastaviti sa dosljednom primjenom propisa koji reguliraju izvršenje krivičnih sankcija.

3. U ovom trenutku ne postoji zakonska mogućnost za premještanje srpskih osuđenika u zatvore na prostoru Republike Srpske.

S poštovanjem,

  
MINISTAR  
Zoran Mikulić

Dostavljeno u 2 primjerka



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2671/11  
Sarajevo, 24.2.2012. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

27-02-2012

PRIMLJENO:			
Organizaciona jedinica	Klasifikaciona oznaka	Radni broj	Broj priloga
01-50-1-15-15/11			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na zastupnička pitanja koja je postavila Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-2671/11  
Sarajevo, 23.2.2012. godine

Dušanka Majkić, poslanik u Predstavničkom domu Parlamentarne skupštine Bosne i Hercegovine, na 15. sjednici Predstavničkog doma Parlamentarne skupštine Bosne i Hercegovine, održanoj 08. decembra 2011. godine, postavila je slijedeća poslanička pitanja:

1. „Da li su ispitani slučajevi kršenja ljudskih prava putem premlaćivanja i maltretiranja srpskih osuđenika u KPZ Zenica? Kakvi su ti nalazi?”
2. Šta je preduzeto i šta se namjerava preduzeti, da se ovakvi slučajevi ne bi ponavljali?
3. Kakve su mogućnosti za prebacivanje srpskih osuđenika u zatvore na prostoru Republike Srpske?”

Na postavljeno poslaničko pitanje, Savjet ministara Bosne i Hercegovine, na 2. sjednici održanoj 23.2.2012. godine, utvrdio je slijedeći:

**ODGOVOR**

U Bosni Hercegovini ne postoji kazneno-popravna ustanova koja bi bila pod punom nadležnošću Ministarstva pravde Bosne i Hercegovine, već se kazna zatvora, koju izrekne Sud Bosne i Hercegovine, u skladu sa odredbom člana 226. Zakona Bosne i Hercegovine o izvršenju krivičnih sankcija, pritvora i drugih mjera – prečišćeni tekst („Službeni glasnik BiH“, broj 12/10 – u daljem tekstu: ZIKS BiH), izvršava u entitetskim kazneno-popravnim ustanovama, a u skladu sa odredbama člana 1. stav (6) ZIKS BiH („sankcije izrečene od strane Suda Bosne i Hercegovine izvršavat će se prema odredbama ovog zakona čak i kada se služe u entitetskom zavodu“) i na osnovu njega donesenim provedbenim propisima. Za funkcionisanje tih ustanova i izvršenje kazne zatvora u njima, odgovorna su entitetska ministarstva pravde. Ministarstvo pravde Bosne i Hercegovine ima punu nadležnost samo prema Pritvorskoj jedinici zavoda za izvršenje krivičnih sankcija na državnom nivou.

Na dan, 19.12.2011. godine (14,00 sati), u Kazneno-popravnom zavodu zatvorenog tipa u Zenici nije se nalazilo niti jedno osuđeno lice, srpske nacionalnosti, da ga je sudio Sud Bosne i Hercegovine, a da je počinilo krivično djelo iz čl. od 172. do 179. KZ-a BiH (krivična djela protiv čovječnosti i vrijednosti zaštićenih međunarodnim pravom). U navedenom KPZ ima osuđenih lica srpske nacionalnosti, koja su počinila naveda krivična djela, ali im je kaznu zatvora izrekao neki od kantonalnih sudova u Federaciji Bosne i Hercegovine i prema njima Ministarstvo pravde Bosne i Hercegovine nema nikakvih nadležnosti, već Federalno ministarstvo pravde.

Odredbom člana 52. stav (3) ZIKS BiH propisano je da u postupanju sa osuđenim i pritvorenim licima ne smije biti diskriminacije zasnovane na etničkoj pripadnosti, rasi,

boji kože, spolu, seksualnom opredjeljenju, jeziku, religiji ili vjerovanju, političkim ili drugim uvjerenjima, nacionalnom ili socijalnom porijeklu, srodstvu, ekonomskom ili nekom drugom statusu.

U duhu ove odredbe koncipirane su sve odredbe ZIKS BiH i provedbenih propisa koje tretiraju postupanje prema osuđenim i pritvorenim licima.

Institut premještaja osuđenih lica, iz jednog u drugi kazneno-popravni zavod, bez obzira ne entitetsku pripadnost zavoda, a kojima je kaznu zatvora izrekao Sud Bosne i Hercegovine, funkcioniše u skladu sa odredbama čl. 165. do 167. ZIKS BiH. Do sada u praksi nismo imali niti jedan slučaj da je osuđeno lice srpske nacionalnosti, koje je osudio Sud Bosne i Hercegovine, tražilo iz bezbjednosnih razloga, premještaj u neki od kazneno-popravnih zavoda na području Republike Srpske. Da je takvih slučajeva bilo, zahtjevi bi se rješevali u skladu sa ZIKS BiH. Imali smo samo tri slučaja da su osuđenici srpske nacionalnosti, iz bezbjednosnih razloga, tražili da se izmjesti iz KPZ Foča u neki od kazneno-popravnih zavoda na području Federacije BiH. Udovoljeno im je i jedan je premješten u KPZ Mostar, zatim, kad su prestali bezbjednosni razlozi, zbog blizine porodice, premješten je u KPZ Banja Luka, gdje se i sada nalazi. Drugo osuđeno lice premješteno je u KPZ Tuzla i već je otpušteno sa izdržavanja kazne zatvora na uslovni otpust. Treće osuđeno lice trenutno se nalazi na izdržavanju kazne zatvora u KPZ Orašje. Niti jedno od tih osuđenih lica nikad se nije žalilo da su mu tokom izdržavanja kazne zatvora u navedenim kazneno-popravnim zavodima, na bilo koji način bila provrijeđena njegova zakonom propisana prava, niti da su bila izložena bilo kakvim oblicima torture, nečovječnog postupanja ili ponižavanja.

Odgovore na druge segmente postavljenog poslaničkog pitanja dat će Federalno ministarstvo pravde, jer je ta materija u njegovoj nadležnosti.